

哈密志卷之十一

輿地志十

古蹟

天山碑在天山頂唐時姜行本征高昌國功歲立碑

石鐘山沁城東南連廟兒溝山其山上有巨石以碎石擊之而山下聞鐘聲

星星石哈密東門外迤南有大石從天而降其上有方印跡

天生墩自古沙土聚如方墩

九龍樹多年古柳在回城內一根生九樹接連青葱豐茂

石佛寺在天山北石佛高六尺天生成者在大路因哈密官兵等敬禮之修祠立廟甚著靈

應石營盤唐時戍兵立石椿石圍牆在北山上

鼈蓋梁在天生墩東沙土生成其形宛如鼈首尾俱全

鳳凰台在哈密城西北天生高土坡被水削刷遠望其形宛然方台

合羅川在三堡今日白羊河唐時回鶻公主城垣跡址存焉

哈密志卷之十一

輿地志十

一

禹貢學會
邊疆叢書

哈密廳幕友楊泉山咏九龍樹詩曰伊州寄柳在宛作畫圖看華蓋濃遮日虬枝老耐寒風

梳鱗甲竦泉溜淖泥蟠細摹連理曲一折一龍盤

敦煌縣令許乃毅題九龍樹文曰伊吾城滾白寺紅柳千年誰位置火龍得氣欲擎雲金蛇

作勢先蟠地孤根劈破臙蒼皮皮開迸出輪困枝枝分四兮幹分九忽伏忽起爭離奇枝枝

珊瑚撐葉葉翡翠垂捫之鱗甲赤雪從全身白一生夢不到樓臺百弓地只鄰阡陌可有少

婦紅泊彈那得文人青眼看竟使奇才沙磧老樹方蒼莽悲穹昊豈知傑士成大功半在龍

沙絕域中衛霍庸勳書竹帛韓范高名爭華嵩歷書冰霜神骨清不經憂患何曲生柳乎龍

乎吾語爾莫因坎壈鳴不平會須騰挪天上行灑雨潤澤千夫耕

哈密廳幕友姚雨春咏合羅川詩曰水蠶浴雨蝶飛烟碎葉城高插木綿哈密有碎葉城即古西域地有野

公主祠荒回鶻窟居民牧近合羅川合羅川在哈密城西乃唐回鶻公主所居城址猶存千重東嶺雲間畫一

片南湖樹裏烟哈密南有南湖地名最是魚鱗披戶冊東屯西聚夜高眠